

# ادبیات کمونیستی مجبوریه

هفته لقی سیاسی ، ادبی و علمی غزته در .

جلد : ۱

سنه : ۱ ۱۷ ربیع الآخر ۱۳۳۵ جمعه ایرتسی ۲۸ کانون ثانی ۱۳۳۲ نومبر ۱۵

## اسویچره خاطرائی

۷ اغستوس .

بوکون بر طغیان ضیا وار . اوتلاردن ، کوشکاردن هرکس مائی کوزلکر طاقه رق دیشاری  
چیقیور . چاملر ، شمسیه لک آغاچلر کولک لک ایده میور .

بوکون طاغلر دها یوکک ، دها مهیب ، دها شاهانه !... ایکی ساعت قدر اولدیجه دیک بر  
شاهقه یه چیققدق . بیک سکز یوز مترو مرتفعز . مشهود اولان منظره دونکینک عینی ، یالکز دون  
غربدن ، بوکون شرق جهتدن باقییورز . زیر نظریمزده هپسی فرانسز اوله رق ۲۸۱۰۰۰ نفوسی  
خاوی قانتون دووو کورینیور . کوک یوزندن ، طاغ باشلاردن اینان عظیم و عمیق بر سکونت بوتون  
بر قطعه نک اوزرنده طورییور ! بیلیم نه قدر وقت کچدی .

کونش مغربه تمایل ایدیور . صباحدن بری تنی حرارت شمسک تهییج ایتدیکی سما شرقده  
نوشاقل لاقنک ایچنده بیقرار اوله رق مشهود . غربده اوزاقدن اوزاغه کورینان لامه لاقنک اوزرنده کی  
سیس آلتون رنکته تحول ایتکده . یوقازیدن ایندکجه درینلشن نظرافقلزده یینه یوکسلمکه باشلایه رق  
آپ طاغلرینک شواهنه بی تاب اوله رق یتیشیور . شنیدی بولندییم نقطه ده سما بنده یتیشور ، کره  
ارض بندن باشلیور !

۱۵ اغستوس .

بوکون روشه دونییه دوغری یوکسلیورز . غایت منتظم بر یولی تعقیب ایتدکجه چام اورمانلرینک  
اره سنده غائب اولوب یینه چیقیورز . یوکسلدکجه هر آن هوا دها صاف ، دها شفاف ، بر آزما یع .  
هوایی یالکز تنفس دکل ، ایچنده بر ایکی دامله کونش اولدینی حالده ایچیلیور .

طاغلردن سقوط ایدن نظرلر شهرلری ، کویلری ، نهرلری ، وادیلری ، اورمانلری ایاغمزک آلتنده ،  
ینه کوکدن طاغ باشلرینه اینه رک اوستلرنده طوران مهیب و بی پایان سکونت ایچنده کوریور .

شو برقاج کون طرفنده هستی خا کدانیدن تجردله حضور پر نور سمایه چیقدم . و اویل که کوک  
ارضک شواهنده دولاشدییم بوکونلرده سماده کیمسه بی بولدم . هیچ کیمسه یوقدی . یالکز آی

## مبارزه حیات

### د بونلک ایچونه استحضارات

أوروپادن آمریقایه ایلک کلن مهاجر ، فی الواقع ، [ قریستوف قولومب ] ک کشف ایتدیکی بو جهان فسیحده نهایتن ثروت خزینهلری بولمادی . درملر برعقیقده کیلردن، دها اوزون و دها کنیشدی . اورمانلره بالطه طوقونامشدی . معادنلر آل سورولامشدی . فقط او پایانسز اراضی یی ایشلمک ، ارمنابع اقتصادیه دن استفاده ایتک ایچون کیجه لی کوندوزلی چالشمق مجبوری وازدی . برده الکایی فتح ایله قرمزلی رنگلی هندیلیری قوغمق لازمدی . مملکتک هیچ برنوع تشکیلاتی اولدیغندن فرد جمعیه استناد ایده مزدی . آمریقایه آیاغنی آتان أوروپالینک یکانه نصیر وظهری کندیسندن بشقه برکیمسه اوله مازدی . ایلک آمریقایلر عظم کلفتله گرفتار اولدیلر . چوق چالیشدیلر ؛ یغما ایده جک قطعاته تصادف ایده مدیلر . مصائب متنوعه یه ، حادثات طبیعیه یه ، هندیلرله ، سوغوغه ، صیجاغه ، اوغورسزلقلره ، حاصلی هرشیئه قارشى حرب ایتدیلر . صکره بونلرک بری بری آره سنده رقابت اویاندی . یکدیگریله ده بر محاربه صلحچورانه باشلادی . بوعالمده زور بازوسنه ، دماغنک اکلینه اعتمادی اوله میان سقوط ایدر . Struggle for life [ سترافل فور لایف ] ، مبارزه حیات ، آمریقایی أوروپالیدن ، خصوصیه آسیالیدن پک بشقه بر صورتله استحضاراتده بولونمغه ، دها عملی ، دها جدی بر تربیه ایدمکه جبر ایدر . أوروپانک ، مبارزه حیاتده ، اک ایی عناصری آغلو - صاقسونلر ، جرمانلر واسقاندینا ولردر . بو عناصرک آمریقایه هجرت ایدن اک متشبث ، اک جسور ، اک غیور ، اک زیاده سرگذشت آرقه سنده قوشان انموذجلریدر که شمدیکی آمریقان عرقنک اسن قویمنی تشکیل ایدیور .

بناء علیه بو طرز تربیه ، بودرلو استحضارات . حیایه آمریقایلر ایچون جلیدر . چوق چالشمق ، مزاحم حیایه یه افتحام ایتک قابلیتلری آمریقالینک فضائل فطریه سندندر . آمریقان عملی بالطبعدر . بریکی دنیالی بزم و حتی أوروپانک تردد لرمنه ، عنعنه پرستلکلرمنه ، تأثیرمه ، حیثه ویردی کمز یا کلش معنایه کولر . آمریقایی هنوز میراث بدی صایله ماز . غربده ، [ رانخو ] دنیلن حیوان چفتلکلرنده

بدریا در منافع بی شمارست

و کر خواهی سلامت در کنارست

مصدائقه فواید لایعددر . فقط او نسبتده ده تهلیکه چوقدر . دنیاده اک اذیتلی ایش ، ظن ایدرم ، Cow-boy اولقدردر . خصوصیه بوندن بر ربع عصر اول [ رانخو ] حیای بر حرب دائمی ایدی . هندیلر ، خرسزلر ، بیک درلو موانعه قارشى ملکی محافظه ایتک لازمدی . مسافهلر پک اوزاق ، چفتلکلر عادتاً بر قضا اراضی قدر بیوک اولدیغندن حیوانات ضایع اولوردی . بونلری بولوب مرکزله کتیرمک ایچون بعضاً ایکی آی [ رانخو ] ایچنده حرب ایتک ، طولاشمق ، بر چوق اذیتله ، محرومیتله گرفتار اولمق لازم کلیردی . ایشته نسل بویله کوچ بر حیایه آلیشیر ایسه آرتق مهالک استقبالدن قورقماز و آندن صکره کله جک بطنلر قوتلی اولور .

آمریقاده یکانه عمارت بر انسانک کندی جوهریدر . اوراده فرد بوندن اولمق اقتضا ایدر . أوروپاده وبالخاصه شرقده فرد اول یا اول عائله سنه ، صکره جماعتیه ، درجه ناله دهده حکومتیه استناد ایتمکدهدر . آمریقاده استنادکاه یکانه بر آدمک کندی قابلیتی در . قابلیتی اولیان جیلر بر نفر

کې بو محربه ده دوشر . عائله اولادینې ، بعدالتحصیل ، سربست براقیر . اوچغه مقتدر اولان قوشلر کې ، ابون ، سن رنده بلوغ لرنده ، چو جقلرینې اونو تورلر . دلیقانی تفنکینې آلیر ، صف حربه کیرر . . . .

ایشته چو جقلر بو فکر ایله بیوتیلور . برأوروپای چو جغه نسبتله بر آمریقایی چو جغه قابلیتې پک بارزدر : اون بر یاشنده بر آمریقایی چو جق هریره ، هر شهره یالکز کیده بیلیر . اوقیانوسی بیه اشار . هر تهله کدن کندی کنديسه قورتولور . بالذات وبالفعول نیشک ایچندن چیه بیلیمک ایچون ابون اولاد لرینه حریت کامله ویررلر . برأوروپای آنا ، چو جغه اوزرینه تیره . آتی عادتاً پاموقلی قوطی ایچنده بیوتور . حالبوکه بر آمریقایی والده هرکار وزارده چو جغه سربست آلدیرر . أوروپا وشرق عالنده بر چو جق طوغار طوغماز سود آناک ، دایه ویا لالانک ، صکره مکتب خواجه ویا مبصرینک ، آندن صکره ده قلم مدیرینک ، الی آخره ، تحت نظارتنده در . سربست اوله جغی زمان ، نعمت حریتدن استفاده نک یولنی بیلیمز . آمریقاده ایسه چو جق حردر . مجرای حقیقی حیاته آتیلیمش کې کندی ایشنی کندی مسئولیتی آلتیده کورور . صیقیشدینی وقت ابوننی ، ظهیر ونصیرلری آراماز . بو حکمنلره بناء دزکه آمریقاده مکتب مبارزه گاه حیاتک غینیدر . بشقه برپلان اوزرینه یاپیلما مشدر . بر آمریقایی کنج مکتبدن چیقوب ساحه جدیه حیاته قدم نهاده اولدینی وقت بریابجیلوق ، بر عجمیک حس ایتمز .

مکتب حیاتی ایله آندن صکره کی ایش حیاتک فرق یوقدر . مکتب ایش کوریه جک یرک بر نمونه سیدر . بزده اولدینی کې ، آمریکا مؤسسات تربیویه سنده ، بالا آخره ازومی اولیه جق فائده سز شیرلر کوسترلر . معناسنک بیلندسی لازم اولیان مواد اوقوتیلماز . هرشی تطبیقات اوزرینه مؤسدر . فرانسه ده اولدینی کې آمریقان مکتبده عنیدیات وفرضیاتک ، افکار مجرده نک ، آفاقیاتک بری یوقدر .

اوراده مکتبه کیرن بر مقصد نقدی ومادی ایله کیرر . بن شو سرمایه بی وضع ایدیورم چونکه شوفائده بی استحصال ایده حکم یولی یاپیلان تجاری برقیاس منطقی کې ، آمریقایی چو جق ده بن شو درسه دوام وشو مصرفی ایده حکم چونکه آندن شو نتیجه مادی بی آله ایتمک قابدر . کې بر معادله قورار . پاره صرف ایدر . وآنک نماسنی بکلر . اگر پاره سی یوق ایسه بر طرفدن چالشی ، دیگر طرفدن تحصیل و تربیه چار دلرینې بولور . تعطیل مدتنده اوشاقلوق ، آشجیلوق ، اوتل وره ستوران غارصونلنی ایتمکدن اصلاً چکنمز ؛ فقط ، بو سایه ده هم کچنیر هم ده تحصیل ایدر . ظن ایدرم که بو تحصیل ایله بر میراث یدی بکک باباسنک خاطری ایچون کوردیکی درس لریننده فرق واردر . آمریقاده هیچ بر صنعت عیب دکلدر . دوشن تکرار قافله بیلیمک ایچون هر ایشی کورور . تحصیل ایچون ، هر چو جق ، ابوننی حائز اقتدار دکلسه ، اک خستیس ایشلره بولاشیر . مشهور ضرب مثلدیر : *Il n'ya pas de sot métier , il ya de sotes gens.* بناءً علیه اوراده تحصیل بزده اولدینی کې آماتور لکدن عبارت دکلدر . حیات کوچ اولدیغدن فرد بیلیر که علم ومعارف اسلحه سی تدارک ایدیه منزه مبارزه ده سقوط ایتمک محققدر .

قیزلرده بویه بر تحصیل کورور . بتون قیزلرک ازدواج ایده چکنی کیمسه تأمین ایده منزه . بوسبیه مبذدر که هر قیز کو یا اولنیه جک و صوک کونه قدر بر آرکک کې کندی حیاتی کندی قزانه جق تلقی ایدیلر و بویه جه بر آرکک تربیه سی کورور . او درجه ده که [ پول دو روزیه ] P.de Rousiers نک دیدیکی

کبی بر بیانچی آمریقاده آرکک وقادین طائفه لری آره سنده فرق واری؟ تردینه دوچار اوله بیلیر. قیز جوجقلری آرککلره برابر تحصیل کورور و بوندن رذالت چیقماز. قیزلر سربست دولاشیر، آرککلردن آیری بر حیات امرار ایتز. اک متعصب قاتولیک رهبان بیله بواصولک، آمریقاده، محاذیرینی کورمه مشلردر.

سعی و عملده، تحصیل و تدریسه قادین، آرکک مساویدر. مادام که بونلرده افراد بشریه در، دماغ و قوله مالکدرلر؛ احوالده آنلرک حقوق مدنیجه، وظائفجه، سعی و عملجه حق مساواتلری درکاردر. آمریقاده سربستی نسوانک ایکی ضمان قوی و قوی و اردر: برنجیسی اخلاق؛ ایکنجیسی محاکم. بر آرکک بر قادینه صااشاماز. تربیه عامه بوکا مانعدر. اک بیوک جنایت نسایه تسلطدر. اوروپاده آره صره تصادف اولونان جیویق. آمریقایلر - که رذالتلریله مشهوردرلر - عموم آمریقایلره مقیس علیه اولاملیدر. بر جدیدده اخلاق پک صیقیدر. بر چاپقینجه پارسلی آمریقاده جمعیتک آفوروزینه دوچار اوله بیلیر. بو خصوصده محاکمه پک سرتدر. مجرمک درجه شروتنه کوره تضمیناته حکم ایدر. بر کنج قیزی اوپن بر کیمسه دن بیک، آلمش یاشنده بر قادینک لب غیر شیرینه بر بوسه قوندوران بر دیکرندن ایکی بیک دولار جزای نقدی آلمشدر! نتیجه، آرککلرکده، قیزلرکده آلدقلری تربیه کنیدیلرینی مبارزه خیاتده لایقلا، مقتدرلر مرتبه سینه اصعاد ایدیور. آمریقاده هر شیئی سربستدر، بونک یالکز بر مستثناسی واردر: او دیار مساعیده تنبلیک خصوصنده حریت یوقدر. تن پرور همان دوشر، یووارلانیر، هیچ بر کیمسه آکا دست مظاهرتی اوزاماز.

بوسی دائمی، بو مجبوریتم عمل، بو مکلفیت مبارره آمریقایلده مسئولیت فکرینی تکامل ایتدیرمشدر. آمریقالینک آتدینی هر برخطوه کنیدیسنک مسئولیت کامله سی آلتده در. آدینی بیلهرک آتار؛ آنک منافع و مضراتی بیلهرک، دوشونه رک آتار. بونک نتیجه سی اولق اوزرم آمریقالی حیثیتی هر کسدن زیاده بیلیر. مرد و متیندر.

اوروپاده اولدینی کبی اوغل باباسنک اثرینه اقتفا ایتز، باباسنک تجارتی تمادی ایتدیرن آمریقا کنجلرینه آز تصادف اولنور. اوغل هر صنعتی تجربه ایدر. بناء علیه پدر و والدهنک وفاتی ویا افلاسی آتی تدهیش ایتز. ذاتاً پدرک تحت وصایتنده بولونق، دائماً امر دیکله مک آمریقا عزت نفسی ایله غیر قابل اشتلاقدر. عنعنه آمریقالینک منفوریدر.

خلاصه، بر آرکک جوجق باباسندن یاردیم و صحبت کورورسه ویا کوره بیلیرسه فیهام بوندن استفاده ایدر. کورمرسه ویا فقیر طوغارسه کنیدیستی محکومین عدادنده تلقی ایتز. کنیدی باشنه جیقوب زنکین اولق چاره لری آرار. بر قیز تاهل ایدرسه نه اعلا. یوقسه کنیدیستی ابدی بر محکومه غدا ایتز. چالیشیر، چابالار و ذاتاً چالیشه بیلیمک ایچون بالجه قابلیتلی احراز ایتشد. اوروپانک بر جوق یرلرنده ایسه زواللی قیز اولنه مدیکندن طولایی متمادی دوشونور، قورونتیلری زیاده لشییر. ایستهری به، نوراسته نی به او غرار تجنن ایدر ویا ورم اولور. ذاتاً بعض ممالکده نسوان ایچون تاهلیدن بشقه [قاریه ر] یوقدر. قیزلرک تربیه سنده، آمریقاده، - تعبیر من معذور کورولسون - حیوانیتک محافظه و تقویه سینه باقیلیر. چونکه اکثریا قیز اولنیر؛ اولنن نساذه جوجق طوغوزور. بونک ایچون قیزلرک تربیه سنده بدنلرینک نشوونماسنه فوق العاده اعتنا اولونمشدر. آرککلرده سپور = امویات ایله وجودلری تقویه به پک راغبدرلر. سپور، آمریقاده انکله دردم

اولدینی کی ، درجه قصوای کاله کلشدر . حتی بو مشغله افراط بيله ایدیلیور . آمریقاده اک بیوک ایش سپوردرد . عالم بونکله مشغولدر . مطبوعات صحائفده اک مهم مسئله ، الحق ، بودر . کیمسه به مجهول اولدینی اوزره لهویاتک فوائدی حسابیه کلز . انسان یالکز روحدن عبارت اولدیغدن بدنکده تربیه سی لازمدر . تربیه بدن انسانک قیمتی اعلا ایدر ، برچوق علل واسقامی اورتدن قالدیرر ویا بونلره مانع اولور . ایشه بونک ایچون آمریقالی بلکه تربیه روحدن زیاده تربیه بدنه اهتمامکار اولشدر .

(استطراداً شوراسنی ده سویلیه لم که سپور آمریقاده افراطه کیتمش وبر صنعت حاله کلشدر . سویلندیکنه نظراً افراط لهویات قلبی یوریور و سپوردن بعض کیمسه لر فائده دکل ، مضرت کوریورلر . زده ده سپورک افراطه اوغرادلامسی جداً آرزو اولنور . )

مملکتک مدافعه سی نقطه نظرندن ده سپورک منافی احصایه کلز . ایشه کرک قادیلرک ، کرک ارککلرک سپوره اولان فوق العاده رغبتلری آنرک مبارزه حیاته قیمتلری برقات دها آرتدیرمشدر . کوربوز ، قوتلی ، قپ قرمزی ، اوغراشمقندن اوصانماز ، چالاک ، فعال ، آچیق کوز آمریقان انموذخک تشکله تمرینات بدنیه نک دخلی کلیدر .

کرک تمرینات مذکوره ، کرک آمریقالینک کوچ وجوق مساعیه مجبور اولسی آمریقا حیاته شهوتک اهمیتنی پک زیاده لیدیرمشدر . بر لاتین هر شیعه بر وسیله تذوق آرار . هر ترده قادینی کورور . مصالیری مباحثه لری هپ قادیله طولودر . حالبوکه کوچ بر حیاته محکوم اولان وقوای بدنیه سی سپوره صرف ایدن آمریقالی دماغنی خیالات نسائییه ایله یورماز . بو ، کندیسنجه ، اوجونجی و بلکه ده دردنجی درجه اهمیتده در . ذاتاً قادیلرک سربستی تامی ده بوکا دلالت ایدر . یوقسه آمریقاده کی رجالده لاینلر کی بر مزاج شهوانیده اولسه لر ایدی ، اوراده سرآزادکی نسا اوزرینه مؤسس اخلاق دیکیش طوتدیره مازدی .

[ قانفرت Comfort ] اسباب استراحت و رفاهیت آمریقالینک حوائجی آره سننده برنجیسی تشکیل ایدر . آندن صکره اکلنجه کلیرکه آنکده اک مهمی سپوردرد . تیاترو ، اوپهرا ، مزاج کی لعیاتک درجه سی دها آشاغیدر . هله بدایع و نفائس پرستی هر حالده بیوک بر احتیاج دکلدر . قادینه ، بو احتیاجاتک آردندن کلیر .

بو اعتبار ایله بر فرانسه وبر آمریقالی ایکی ضد کاملدر .

اینجه تلذذ ، حتی اینجه مباحث ، نسائیات ، نکات آمریقالینک طرز تربیه سنجه پک اوقدر معلوم دکلدر . اکلنجه پک علنی و بارز اولمی ، کوزه ویا حواسه باطلی ، بیبرلی ، خردللی اولمی ! دائماً تنوع اتملی . بو نقطه نظرندن کوریلورسه بر اوروپالی به نسبتله حکومت متحده اهالیسندن بری خیلی قبادر .

تربیه و مبارزه حیات ایجاباتندن اوله رق آمریقالی بریرده جیویلنوب قالماز . آنک ایچون برجدیده ( قاریه ) یوقدر . هیچ بر فرد ، الی لایه قالمق اوزره بر مسلک کیرمز . مثلاً بر کنج بانقه مستخدملکی ایله ایشه باشلار . برآز پاره ایدیزایدن بر دکان آچار . صکره غزته جیلق ایدر . طرف و تقریبی بولورسه بر سپه کولاسیون یاپار . پاره قزانیر قزانماز بر سندیقا تشکیل ایدر . و آنجق میلیونر اولونجه سیاستله اوغراشیر ! پاره ! پاره ! پاره ! ... ایشه بو محبوبه بی آله کچیرمک ایچون ، آمریقالی ، آنک کچه جکی هر یوله کیرر . بش دفعه میلیونر اولور ، بش دفعه ده افلاس ایدر .

بر قوماندان خصمی مغلوب ایتک ایچون هر درلو اسبابه توسل ایده جکی کی ، بر آمریقایی ده هر نه واسطه ایله اولورسه اولسون چالیشیر، پاره قزانیر. برایش پاره کتیر مزسه آمریقایی آنی تر کده بیوک بر استعجال کوستر. ایش واسطه در ، غایه دکدر . پیر عشق ایچون بر مسلکه کیرلز . قوری قوری به بر مسلک ویا صنعت سه ویلز . هانکی ایش دها زیاده منفعت تأمین ایدرسه اک اینسی اودر . اوروپاده ایسه علی الا کثر [ قاریه و ] واردر . مثلاً فرانسه ده بر چوق نه وقت مکتبدن جقه جغنی بیلدیکی کی حیاتنک هانکی سنه لرنده هانکی معاشاته ، نه کی نشان وعنوانلره مظهر اوله جغنی اولدن کسدر . آمریقاده بو یوقدر . سرکه حیات آجیق و فسیح بر میداند . اورایه هانکی نقطه دن کیرمک دها فائده لی ایسه اورادن کیریلور . بناء علیه تربیه عمومیه ده مطاع اولان قانون Laisser faire دن شقه بر شی دکدر . اوروپایی ایله آمریقایی طرز تربیه سی آمریقاده پک غریب بر نقطه تضاد و تناقض بولور : اوروپادن یکی کلن مهاجرین پک کوجلکه حیاتلرینی قرانه بیلیمکده درلر . حالبوکه آنلرک اولادی دها قولایفله ایشلرنده موفق اولیورلر . وبلکه ده زنکین و ملیونر موقعلرینه چیقورلر . چونکه بابالر آمریقا تربیه سی کورمه مشلر ، حالبوکه چوققلر یکی دینه ده طوغوب اورانک عادات و اخلاقی ، طرز مساعیسی ، خلاصه تربیه سی آلمشدر . شومقاله نک زمیننی تشکیل ایدن آمریقایی انموذجی جریان دهور و ایام ایله آزاله جقدر . ثروت ایکنجی بطنی بر آز میرات یدی ایده جکدر . بناء علیه بوندن صکره اوسدتی آمریقا مساعیسنه شرقده دکل ، غربده ، اطلسی سواحله ده دکل ، اوقیانوس معتدل حوضه لرنده تصادف ایتک ممکن اوله جقدر . فی الواقع توپورقده ، شیقاغوده ، یکی اورلئانده ، فیلادلفیاده بر آرز « اوروپا لیلک » ، آزاچق « فرانسیزلی » باشلامدی دینه مز .

کلام بو طرز تحصیل و تربیه نک ، مبارزه حیاته بو صورتله حاضرلنه نک بزده و اوروپاده امکان تقلیدینه :

آمریقانک طرز کشفندن طوتوده اسلوب حیاتی ، اقلیمی ، تشکلات ارضیه سی تدقیق ایده جک اولورسه ق کورورز که آنکه آره مزده عمارلر واردر . بناء علیه ، مثلاً ، آمریقاده کی سر آزادگی تسانک دکل بزده ، اوروپاده بیله قوپیه ایدلسی رذالتلری ، جنایتلری انتاج ایدر . بونکه برابر آمریقا طرز تحصیل و تربیه سنده بزم ایچون اقتباس ایدیه جک بر چوق نقطه لر بولمقده در . عملیات عالمنده آمریقا درجه کالی بولمدر .

سپورده ده اوله . آمریقایی وقتی سقولا ستیق ایله هبا ایده مز . اوراده هرشی اک صوک مرتبه عملیه سنه ارجاع اولومشد . بزواور و پالیر مکتبلر مزده هیچ بر فائده ماده و معنویه یی انتاج ایتیان مواد ایله اوغراشدیغمز بر زمانده قولومبیانک مثلاً حقوق قسمنده طلاق جهت عملیه سی موضوع بحث اولور . آنک ایچون آمریقایی نک طرز مساعیسی ، خصوصیه عملیلکنی ، فعالیتنی تقلید ایله تربیه عمومیه مز یکی اساساته ربط ایده بیلیرز . آمریقا تربیه مسائلنده هریری کچمشد . بونک اک قوتلی دلیلی او تربیه یی کورن آمریقایی لیرک عالم مادیاتده اوروپا لیلره غلبه لریده . او حالده ، بو تربیه دن چوق استفاده ایده جکمز نقطه لر واردر . [ پول بورژوا ] نک دیدیکی کبی خسته لر جکر لرینه بر آرزمز هوا ویزمک ایچون طاغله ، لطیف اقلیمله کیدرلر ؛ اوروپا لیلر ایسه عزم و اراده لرینی بزیدد ایچون بزقاج هفته آمریقایه کیتلیدرلر . بزتر کرده عالم مساعیده کی درجه مزی آ کلامق ایچون آمریقا اصولاتی تدقیق ایتلیز . تا که آنلری بالا خره اقتباس ایده بیله لم .